


नेवाः संस्कार संस्कृतिया जातः



ज्वमि

दि. पं. रत्नकाजी वज्राचार्य

पिकाकः

वज्राचार्य प्रकाशन

यें

सभ्यता गुलि च्वन्त्यावनि उलि हे
सस्कृतिया न निर्माण जुजु वनीगु जूगुलि सभ्यता
व सस्कृति ला व लुसिथें पेपुना च्वनि । मनू
जाति सहयोगया भावना ब्वलना समाजया निर्माण
प्रारम्भ जुसलि सामाजिक नियमस्थिर यायेत
सस्कृतिया संरचना जू वःगु खनेदु धायेमाः ।
सस्कृतिया शब्दया साधारण अर्थ खः शुद्धगु
संस्कार दयेकेगु खः । गुकें सकसितं भिं जुडगु,
हित जुडगु, कल्याण जुडगु उद्देश्य ज्वना हे
थीथी जातीय समाज दुने विविध संस्कार
थितिरितिया सिर्जना जुजु वंगु खनेदु ।

भौतिक वातावरणया नापनापं अनुकूल
मिलय् यायां सयेकेगु सीकाकायेगु नं जुयाच्वनी ।
सामाजिक प्रक्रियां छगू पुस्तां मेगु पुस्तायात
लःल्हाल्हा वनाच्वनी/थ्व संस्कृतिया मेगु विशेषता
खः । थथेतुं याना उगु थाय्यापिनिगु परम्पराय्
अन मेगु थाय्यापिनिगु परम्परा नाप ज्वः मलायनं
फू । छायाकी लः फय्या वातावरण दुने विस्कं
पहः दःवंगु स्वभाविक खः । गुगु स्थिति दसांतबि
नं समन्वय जुया न्ह्यज्याय्गु हे सुसंस्कृतिया
नमूना खः । सभ्यताया दसु नं खः ।

संस्कृतिया दुने भाषा, लिपि, साहित्य,
कला सकतां दुध्याना थःगु हे तालगु समाजया
आवश्यकताया आधारकथं थीथी संघ, गुथि, संस्था
दयाच्वनी । गुकें याना जनशक्तिया संचय नं
जुयाच्वनी ।

थुगु हे परिवेशय् च्वना संस्कृतया थीथी
पक्षमध्ये बुसानिसें सी धुंकाः यायेमाःगु
परम्परायात जक कयाः थन न्ह्यब्वय्गु कुतः
यानाच्वना ।

मानव सभ्यताया च्वन्त्याःगु सुसंस्कृतिया
दसुया रुपय् न्ह्यः ज्याज्यां वयाच्वंगु शुद्धगु
संस्कार ज्वना अनेक जातीय परम्पराय् विधि
व्यवहार रितिथितिया दुने जन्म जुसानिसें सिनावने
धुंका तक नं अनेक विधि विधान चिनातःगु दु ।
मांया प्वाथय् च्वसानिसें (प्वाथय् दसानिसें) हे
थीथी क्रियाकर्म पा चिनाच्वंगु दु ।

गथेकि मचा प्वाथय् दया स्वला दय्वं

पुसवन क्रिया धकाः गर्भयात सुरक्षा विडगु ज्या
जू वड । च्याला दय्वं “सिमांत्वप नय्न” धकाः
प्वाथय् च्वम्ह मचायात फुक्क अंग पूर्ण जूगु
भावना याना गर्भ पूर्णताया भावना याई । थुगु
निता क्रिया तनावनेधुंकूगु दु ।

धौ बजि नकेगु :

गर्भ पूर्ण जुडधुंकाः नं मचा बुडथें च्वंकाः
थःछेंय् सःता धौबजि नकेगु धकाः थःम्ह्याय्
मचायात यःमरि छुना नापं योयोगु मरीचरी
तया नकेगु परम्परा गुम्हसियां दुसा गुम्ह
गुम्हसियां म्ह्याय्या भाःतपिं थाय् वना नकः
वनेगु चलन थन मदुगु मखु ।

सिचू पालु कने :

जव मचा बुड, काय् वा म्ह्याय् थःछें
खलःपिन्त सुचं न्यंकेभनं सिचुपालु केंके छ्वयेगु
धकाः चाकू, इमू, जिफ्वः, पालु व चि म्हासिन्ह
(पूजासिन्ह) आदि सरसामान तयाः छ्वयाबी,
थुकें काय् म्ह्याय् बूल धयागु सीका तयाहःगु
ज्वलसं साया छ्वयाहय्माःगु थिति दयाच्वंगु दुसा
गुम्ह गुम्हसिनं सिन्हः छ्वय् वा सिन्हःतय्के
छ्वये धकाः नं धयावयाच्वंगु दु । थ्व मचा बूल
धयागु संकेत खः ।

पाः थ्याक वने (स्वःवने) :

थुकथं मचा बूया कन्हय् कुन्हु थःथिति
खलःपिसं थः म्ह्याय्मचाया नापनापं भ्वछिसितं
छ्यें अय्ला ज्वना स्वःवनेगु गुम्ह गुम्हसिया जक
चलन दु ।

घ्यःबजि नकःवने :

मचाबू ब्यंके न्ह्यः थःछें खलःपिन्तं थः
म्ह्याय्मचायात घ्यःबजि नकः वनेमाःगु भीगु
परम्परा दयाच्वंगु दु ।

मचाबू ब्यंके :

थुकथं मचा बूया प्यन्हु खुन्हु वा
भिनिन्हुया दुने मचाबू ब्यंके माःगु परम्परा
दु । भीथाय् अप्वसिया प्यन्हु व खुन्हु ब्यंकीपिं
यक्को दु । अझ तसकं आपत विपत जूगु स्थिति
वःलाछिं ब्यंकेगु धकाः मचा बूया कन्हय् कुन्हु
हे ब्यंकाछ्वय्गु चलन नं दयाच्वंगु दु । थथे

याना गुम्ह गुम्हसिया प्यन्हु दुकुन्हु दिदिअजि
छ्वास अजिमा पूजा याइसा खुन्हु दुकुन्हु
पुरोहितया पाखें स्वस्ति वाचन यायेगु व थः
पुरोहितं नां छुयेगु याना वयाच्वंगु दु । अथेहे
हानं गुम्ह गुम्हसिया भिन्हु नामाकरण याना
भिनिनुं ब्यंकिपिं नं दयाच्वंगु दु । मचाबूयात
माःगु ज्वलं थःछें खलःपिन्सं मचाबू ब्यंके कुन्हु
छ्वायाहयेमाःगु चलन दयाच्वंगु दु । थुकियात
हे ब्यंकेकू छ्वाय्गु धकाः नं धयाच्वंगु दु ।

मचाबू स्वःवनेगु :

मचाबूया लछि मदुनिबल्य् थःछें
खलःपिन्सं स्वःवनेगु धकाः विभिन्न किसिमया
नसाः त्वसा ज्वना वनेगु चलन दयाच्वंगु दु ।
थुकियात हे ला नकः वनेगु नं धयाच्वंगु दुसा
औचा बिचाः वनेगु धकाः धायेगु नं याना
वयाच्वंगु मदुगु मखु । थ्व परम्पराकथं गुम्ह
गुम्हसिया मचायात दक्षिणा जक छायागु नं याना
वयाच्वंगु दु । अथे हे तुं मचाबू स्वया नं दक्षिणा
छाना वयाच्वंगु नं दु ।

मचाबू लहिकः वने :

मचाबूया बाछि वा लछिया दुने मचाबू
लहिकः वनेगु धकाः मचा भौमचा थःछें वनीगु
याइ । छेंया परिवारपिं वया थः म्हाय्मचायात
ब्वनायंकेगु परम्परा दयाच्वंगु दु । थथे वनीबले
मचायात च्वकि भागि याका दुवाते दुवाते ह्वला
वनेगु परम्परां थाय् कया वयाच्वंगु दु ।

प्यूचां न्ह्याकः वने :

मचाबू लह्यूवना १५/२० न्ह्या दुने
बाजु अथवा भाःतम वना प्यूचां न्ह्याकः वनीगु
याइसा गुम्हसियां माजुम्ह वनानं प्यूचा न्ह्याकः
वनेगु परम्परा दयाच्वंगु दु । थन राजभण्डारीतय्
धाःसा प्यूचां न्ह्याकेगु धकाः मचा बूया खुन्हु
दुकुन्हु थःछें खलःपिं वया न्ह्याकः वयेगु चलन
दयाच्वंगु दु । गुगु च्वय्याःगु परम्परा नाप
गावक पानाच्वंगु खनेदु ।

मचाजंको (मचायात जा नके) :

मिजं मचा जूसा खुला वा च्यालां जा
नके माःसा मिसामचायात जूसा न्यालां वा न्ह्यलां

जा नकेगु चलन दयाच्वंगु दु । थुवलय् मचायान
जंको वसः पुकामाःगु पूजा आज्ञा याना स्थान
गणेशया थाय् वना पूजा याना वइ कन्हय् कुन्हु
न थान गणेश थाय् यंका कण्ठ खयेगु । कथ्पवा-
चायंकेगु । धकाः गणेशया थाय् पूजा यानागु
ग्वजा छग्वः लाना मचायात नकेगु चलन खनेदया
च्वंगु दु । अथेतुं याना गणेशया थाय् ममय
वजि तया पूजा याना मचायान प्रसाद चिर्पाथयेका
छेंय् वया जा नकूम्ह मचा समेत थार्कुलपि
सकलें च्वना सगं काय्माःगु चलन यानाच्वंगु
दु । थुलि धुनेवं अलजा नय्गु धकाः जा भोजन
यायेगु चलन दुपिं नं दु ।

थुलि मचा व मांम्हया हेर्गवचार
निखलसिया नं यायेगु क्रिया कर्म खः ।

१) निर्दं बुन्हि :

मचा निर्दं दुगु तिथि लाकाः निर्दं वन्हि
याये । मचायात धौसगं, खेंय् सगं बियाः यःमरि
निग्वः माःहनाः व्वखायेके माल । अथे हे
ल्वहँचामरि व आखें न्यागः तयाः दयेकेगु
चिचीग्वःगु यःमरि तयाः स्वां, जाकि नयः
मचायात सिफं लुयेमाल । अथे हे तुं मचाया
पाजु खलःपिन्त यःमरि विइके छ्वायेमाल ।
गुम्हेसिया १०८ ग्वः बियाछ्वाये माःसा गुम्हेसिया
६४ ग्वः जक बियाछ्वाःसां गाःपि नं दु । थथे तु
याना पाजुपिनिपाखें मचायात वसः दछानाः
सगं बियेमाल ।

थुकथं हे थःछें खलःपिं म्हाय्मस्त,
भिनामस्त आदि सकसितं यःमरि १२ ग्वः
बियेमाल । अनपिसं नं मचायात लं छपाः नं
बियाहये माल । थौकन्हय् गुम्ह गुम्हेसियां निर्दं
बुदिया भव्य नकेगु नं यानावयाच्वंगु दु ।

२) प्यदं बुन्हि :

प्यदं बुन्हिबलय् नं मचायात धौ सगं
बियाः ग्वसगं बिये । प्यंग्वः यःमरि व्वखायेकाः
मचायात यःमरि लुयेमाल । निर्दं बुदिबलय् थें
सुयातं बियाच्वनेम्वाः । थुगुहे परम्पराकथं भिनिदं
बुन्हिबलय् नं भिनिग्वः यःमरि व्वखायेकाः
धौसगं, खेंय् सगं बिया हनेगु नं यानावयाच्वंगु

दु । विशेष यानाः थुगु परम्परा न्हापांम्ह मचा (नःलिम्ह) अर्थात् जेथाम्हेसित जक यायेगु यानावयाच्वंगु दु । अनं लिपायापिन्त थुकथं हनाच्वने म्वाःगु खनेदु ।

थुकथं हे प्यदं बुन्ह धुसानिसें जीवनभर बुन्ह हनेगु यानावयाच्वनेगु परम्परा दयाच्वंगु दु । गुगु थःगु स्वास्थ्य सुयां लानाः ग्रहदशा आदि छुं मदया वनेमा धयागु कामनाया नापनापं थः गुलि आयु वन धकाः लुमन्तिया रुपय् नं हनावयाच्वंगु खः ।

आः मिजं मचायात जक यायेगु क्रिया :

बुँसँखा :

थुगु क्रिया वज्जाचार्य, शाक्य, उदायत् बाहेक मेमेगु फुक्क जातिनं याना वयाच्वंगु क्रिया खः । थुगु क्रियाया दुने काय्मचा ६/७ दं क्यनी बलय् यायेगु खः । थुकी पाजुं सँ खाका निनी सँ फय्माःगु परम्परा दु । पुरोहित तया नं गुम्ह गुम्हसियां थुगु क्रिया याना वयाच्वंगु दु । थौकन्हय् वयाः ब्रतबन्ध कुन्हु हेतुं यानावयाच्वंगु दु ।

चुडाकर्म (बरेछुये) :

चुडाकर्म बन्देछुये (बरेछुये) क्रियाया दुने बुद्धया कुल्य् तयाः चिवरं पुंका भिक्षुत्व ग्रहण याकाः उपसम्पदा ग्रहण बौद्ध चरण युक्तगु शिक्षा बिया शिलांकूश गुलपा च्वंका भिक्षातन याना पेन्हु दय्का चिवर त्वःका भिक्षुत्वं गृहस्थि दुहाँ वया बज्जसत्त्व कूल्य् आश्रित जुइगु खः । अनं ल्यू वज्जाचार्याभिषेक कयाः बज्जसत्त्व कूलया संरक्षकया रुपय् वज्जाचार्य जुयेगु परम्परा खः ।
६) होम्पि दंबने :

विशेषतः वज्जाचार्यपिनि चूडाकर्म यानाः प्यन्हु दयेकाः चिवर ब्वतेलाः आचार्यभिषेक कायेधुनेवं आचाः लुयेमाःगु परम्परा दु । अनं लिपा वयाः थःथःगु पीठय् वनाः होम पुजा यानाः गुगुयात व पुजायात होम्पि दं वनेगु धकाः धायेगु यानावयाच्वंगु दु ।

मेखराबन्धन कय्ता पूजा (ब्रतबन्ध) :

मेखराबन्धन कय्तापूजा (ब्रतबन्ध) या क्रियाया दुने नं गुरु कुल्य् वना शिक्षा अध्ययन यायेगु क्रिया खः । सन्यासि रुप धारण याना फेतुइत चलाया छेंगू ज्वना हिंसक अनेक जिवजन्तुपाखें सुरक्षा जुयेत धनुषा तीर ज्वना नयेत जाकिबजि तय्गु लिछि म्हिचाः न्ह्यछिम्हिचा घाना मां बौयाके बिदा कयाः बनान्तरे वनेगु परम्परा खः ।

थुकथं राजोपाध्यायत्तय् धाःसा छेंया थाकुलिं मन्त्र न्यंका जनाइ चिकाः स्वलातक अग्निहोत्रि ब्राम्हण जुया न्हिन्हिछिया होम याना बेदपारु याना नाप नापं शिक्षा ध्यान यायेगु नं ज्या जुयाच्वनि थुकथं स्वला दय् व समापन पूजा याना थान गणेशया थाय् वनेमाःगु परम्परा दयाच्वंगु दु । थुकिया कन्हय् कुन्हु वंजला नं वनेमाःगु परम्परा दु । थुकियात (पुरो तय्गु धकाः नं धाय्गु याना वयाच्वंगु दु)

थुकथं हे मेमेगु जातिं कय्ता पूजा खुन्हु क ल द व त । (दुगुघः) थाय् वना कय्ता पूजा याः वनीपिं दुसा गुलि देगुपुजाबलय् आरुवा कय्ता छपु जक लः ल्हाना कय्ता पुजा सिरेकिपिं नं दयाच्वंगु दु ।

कपाली (जोगी) तय् नं न्हय्दनिसें भिनिदैय्या दुने जोगी छुयेगु धकाः रुद्राछिमाः नं कोखाय्का सुका सुय्का (न्हाय्पने सुयेगु छताजि तिसा) ल्हाती न्ह्यागु चुरायें जाःगु तिसा भुकाचा (कमाण्डलू) थें जाःगु ज्वंकाः विधि अनुसार इमि पुरोहितं पुजा याकाः म्वालि पिथना चछिंचा च्वना विधि अनुसार र नासः पूजा याये धुनेवं जोगी छुइपिं मस्तयत्त मन्त्रदान यायेगु ज्वी । अनंलि प्यन्हुजक जूसां जोगि जुया गृहस्थित दुहांवय्गु प्रचलन दुगु खः । तर थौकन्हय् वया परम्परा नं तापाना वना चल्लाया छेंगु व धनुषातिर ज्वंका कय्ता पूजा यायेगु परम्परां थाय् कयावयाच्वंगु दु ।

ओला तये :

थुकथं ओला तय्गु परम्परा ज्यापु व साय्मीतय् जक दयाच्वंगु परम्परा खः । गुगु

कयता पूजा धुनेव स्वदयंकं दयदसं छथाय छथाय
स्वदं तक तया प्यकःया खुशी धुकेगु ज्या जुड ।
थुकथं ओलाः तय् धुनेव तिनि शुद्ध ज्याप् व
शुद्ध सायमी जुडगु खः । गुगु यैया परम्पराय
ज्यापुतय् ३२ गू त्वाः व सायमितय् ९ गुगू त्वाः
दयाच्वंगु दु । वलाः तयगु थाय् क्वाय्कथं खः ।
ज्यापुतय्

- १) स्वयम्भूड - कतिपुन्हि
- २) भद्रकाली - पाहांचन्हे
- ३) पचलिङ्ग - पचिमरः
- ४) मयतिङ्ग - लक्ष्मीपूजा
- ५) कमलातिङ्ग - ल्हुतिपुन्हि
- मानन्धर (सायमी) तय्
- १) पचलिङ्ग - पचिमन्हः
- २) श्रीघः विहार - सीघःपुन्हि
- ३) स्वयम्भूड - सकिमिला पुन्हि

थुकथं थःथः इलाका अनुसारं वलाःतयगु
ज्या ज्वी । अले वलाःच्वपिं मस्तयत् धिमे, पछिमा
बय्, बासुरी, दापा आदिया शिक्षादिक्षा विङ्गु
ज्या (ट्रेडिङ्ग) वीगु परम्परा दु । थुकथं आः
काय्भाजुपिं मचा मखुत वयस्क जुल (ल्याय्म्ह)।
धयागु भावना कयेगु क्रियाकर्म खः ।
मिसामचापिन्त जक यायेगु क्रिया :
इहि क्रिया :

मिसामचापिन्त प्यर्देनिसें न्हयर्दया दुने
यायेमाःगु क्रिया खः इहि क्रिया । गुगु क्रिया
यैया प्रचलन अनुसारं चीभाःद्यः स्थापना याना,
ज्याथः जिथि जंको यानाः खालि इहि कर्मया
क्रिया जक याना नं याङ्गु सामुहिक रुपं याङ्गु
इहि क्रिया खः । हाकनं विज्यासः द्यःयाथाय्
यंका द्यःपालाःपाखें इहि याकीपिनं दयाच्वंगु दु ।
थुगु क्रियाया दुने आःछिपिं तःधिकः जुल धयागु
बोध यायेगु थ्व क्रिया खः ।

बान्हा तये / बान्हा पिकाये :

थुगु क्रिया मिसामचायात (भिनिर्दं
भिस्वर्दया दुने यायेगु क्रिया खः । थुगु समय
मिसामस्त ल्यासे जुया व लिसे छगू हिउपाःया
अनुभव जुड । मूलरूपय् रजस्वला (मिसा ल्वय्)

जुड । गर्भाधान यायेगु मक्षम जुल धयागु मकेत
खः । थगु स्थितयान ध्यानय् तया भिगु माइनय
लाका बान्हा तयगु ज्या जुवड । थकियान हे
रजश्वला विधि थका न धयान ग द । थग
विधि म्थ्याय मचायान ह्यगु काथाय तया
मिजंतयगु किचः ममेत मक्यमे भिनिन्हुतक तया
गृह विज्ञानया शिक्षा वीगु परम्परा खः थका न
धयावयाच्वंगु दु । उम्ह म्थ्याय मचा न्हगु छेय्
वनी वलय फुक्क फुक्क न्हर्हापि मननयत
हनावना गुगुकथ व्यवहार यायेमाः धयागु शिक्षा
वीगु अर्थान् गृह शिक्षायान विभिन्न न्थ्याङ्गुगु
वातावरण दयका वीगु खः । थया दुने बाराह्याः
स्वःवनेगु को चिक मायेकेगु बान्हा पिकाये
खुन्हु सूर्य मण्डल दर्शन याका ज्वला न्हायक
च्वलामू ज्वंका लक्ष्मीया प्रान्तकयान थान लवु
गणेद्यः । यायाय् छुवयेगु परम्परा दु ।
राजोपाध्यायतय् रजोश्वला जुडमान बारा तयगु
याड । थुकथं बारातःगु मीमा थःथः स्थितयि -
निनि पाजु मकमिनं छुम्या म्थ्या मिसावना
दुरुमरी आदिज्वना बान्हा मो वयमागु परम्परा
दयाच्वंगु दु । अले बान्हा पिकायकन्हु बान्हा
स्वः वक्वमिन भव्य नके मागु परम्परा दु ।
इहिपा याय् (प्राणिग्रहण क्रिया) :

वैसं जाया वयेव कूल परम्परा स्थिर
यायेत वैवाहिक जीवनया स्वाप् तया गृहस्थ
जीवन हनेत प्राणीग्रहण क्रिया अर्थान् भि-इहिपा
शुभ विवाह जुल । थुगु क्रिया मानव जीवनय्
जकमखु ससारय् जन्म जुक्व प्राणिपिन्त मदय्क
मगाःगु प्रकृतिया परम्परा सिर्जना जुया वयाच्वंगु
प्रज्ञोपाय् स्वरूप जुया दाम्पत्य जीवन निम्हत्यपूलय्
हिकेगु विधिविधान हे थुगु क्रियाया लक्ष खः ।

थुगु हे लक्ष्ययात ज्वना न्हापां मिजंया
पाखें योग्यम्ह कन्या मालेगु ज्या जुड । कन्या
प्राप्त जुयवं खँ क्वछिगु निम्ति मिसायाःगु
मिजंयाःगु जातः क्यना जातलं त्वय्का स्वयगु
ज्या प्रारम्भ याड । अनं लिम्ह स्वया मिसाया नं
मिजंयानं थःगु जीवनयात अन्ततकं साथ बीम्ह
खः धयागु महसुस याना निम्हेय्सिया नं यः ज्यू

धयागु निर्णय जुइव उकियात मिजपाखें पक्का याना क्वःछियगु ज्या जुइ । उकियात हे ग्वय् वियेगु धकाः धाइ ।

ग्वय् विये :

लपिचा १ ग्वः ग्वःगु ग्वय् दाक्षणा दा १ - छतका तया लमियात बियाछ्वये लमि मिसाया छें वना ब्यवने माःगु जुल । अनलि पक्का जुल धकाः धुकक च्वनी ।

लाखा बिये :

ग्वय् बिया पक्का याये धुनेव लाखा काइगु जुलसा लखा बी माल । लाखा धयागु लाखामरी छुना बीगु खः । गुगु मिसाया पक्ष गथे गथे धाइगु खः । अथेहे याना मरिछुना वियेमाल । गुम्ह गुम्हसियां ग्वय् व लाखा छक्कल बीगु न याना वयाच्चंगु दु । तर थौकन्हय् थ्व लखा बीगु चलन घटे जुजुं वयाच्चंगु दु ।

कल्यां न्ह्याकेछ्वये :

भौमचा काःवने प्यन्हु न्हयः वा छन्हुन्ह्यो नाचा (मरीकसी) निकः ग्वारा नांगु मरी तयाः मेमेगु हलज्वल माबकोतया लमि, कल्यान्ह्याकिम्ह, कुमी क्ववयेका कल्याक् छ्वय्माल । अन छेंय् भौमचा जुइम्हयात धौसगं बिया नाचा च्वंगुमरि इनेधुकेगु ज्या कोचाय्का मिज म्हेसित छगू भाग तयेमाः । व ज्वना छेंय् लिहावया मिजम्ह मिसाया जातःयात मिजया पुलि कोत्यला छेंया नकि न धौसगं बिया मिसाया थासं तयाहःगु जिलाजं ब्वः न्ह्यच्याकेमाल । धुगु परम्परा आः खनेदयाच्चंगु मदु । विशेषत बज्जाचार्य, शाक्य, उदाय् व स्यःस्यः यःभाजु बाहेक मेपिं सुयां याना वयाच्चंगु खनेमदु ।

पय्ना जा नके :

बिया छ्वय्त्यम्ह म्ह्याय्मचायात पाजुपिन्सं-निनिपिन्सं सःता पय्ना जा नके धकाः सःता सगं बिया कापः छक्कू देछाना भोजन याके । थ्व पितः बिइ प्यन्हु न्ह्यान्हु न्ह्योनिसें याय्गु परम्परा दयाच्चंगु दु ।

भौमचा काः वने (जन्ति वने) :

भौमचा काःवने न्हयः थःगु छें फुकक

ज्वल ताःलाका ज्वोकोतः छुस्या मूस्या च्याका जन्तवनीपि फुकी वाकाय् इस्तामिष्ट जलाखला पासा भाइपिं फुकक मुनावने सकसित मोसिपो ग्वाः आदि नं इनावी माल । मिज नं नाप वनधाःसा साइत याना धौसगं बियाः स्वामा क्वखायेका छ्वयेमाल । तर थ्व मिज वना भौमचा काः वनेगु परम्परा भी नेवाः समाजया मखु ।

मिसाया छेंय् जन्तिया लसकुस :

म्ह्याय् मचा काःवपिं थःथाय् छेंय् क्वय् थ्यनेव सकसित लसकुल याना दुकाये । अले थःथःगु चलन अनुसार मोसिपो ग्वाः, चुरोट आदि जक मखु चिपं थिकेगु वा भोजन याकेगु दया वयाच्चंगु दु । थौकन्हय् वया (कक्तेल याकेगु) व पाटी भ्वय् हे न्यायेकेगु याना हयाच्चंगु दु । थ्व छगू नेवाःतय् भ्वासि पहः खः धाय्माः । थुलि धुनेव म्ह्याय्मचा पित बीगु ज्या ताःलाकेगु ज्या जू वइ । मिजपिनि पाखें याकन पितवी माल धकाः च्वय्कः वनेगु ज्यानं याइ ।

म्ह्याय् मचा पित बिये :

पित बीम्ह म्ह्याय्मचायात चन्द्रमा सनमूख वा जवय् लाकाः फेतुकेविये । न्हापा छसिकथं ग्वय् सायेके जहानपिसं कोसः लः ल्हाये । थुलि धुनेव धौ खेंसगं विये थाय्भू नकेधुनेव म्ह्याय्मचायात पादार्धयाये अले मां बौयात ल्हाःग्वय् पुटुग्वय् लः ल्हाना विये । थुलि, धुनेव मिज नं वःगु दुसा कन्यादान मिजयात हे लःल्हाना विये । यदि मिजं मवःसा मिजया बौ वा लमियात लःल्हाय्गु परम्परा दु । थुलि धुनेव म्ह्याय्मचायात बौम्हसिनं वा दाजुपिसं लुकूछिना पिखा लखुइ, मोटर स्वचाः चाःहुय्का मोटरय् दुने तयाबिये । बाःजु जूम्हस्यां दु फांगां फाय्का ताःय् जाकि ह्वला मोटर विस्तारं यंका प्यकालैय् वा थान गणेशया थाय् तक लस्वः बनी ।

धुगु परम्पराय् बज्जाचार्य, शाक्य, तुलाधर आदिया म्ह्याय्मचायात फेतुका धौसगं बिये । थाय्भू न्ह्यच्याकाः सहभोजन नकाः अले ग्वय्

साये । मिजं पाखे तयाहःगु जोकोतलं धौसगं
बिये । थनं लिपा मेगु फुक्कं उत्थे हे खः ।

भौमचा खँल्हाये :

थन मिसा पक्षया पुरोहित व मिजं पक्षया
पुरोहित स्थान गणेशया थाय् वा पेकालय् ।
दुवातय् च्वना खँल्हाना सिधय्की । थुलि धुनेवं
भौमचायात थःगु छें स्वया हइ ।

भौमचा लसकुस :

भौमचा क्याहया पिखालखुइ थ्यनेवं
थाकुलि नकी माजुम्ह माःमाःपिं सकलें च्वना
माजुम्हं ह्याउथ्वं थःभौया तुतिसिका (चाय्का) ।
यदि माजु मदुसा छेंया नकिं नं तुलिसिके ।
मतफंत्वया सिफलुया सिन्हः टीका नकिंनं ताःचा
ज्वंकाः थःगु छेंय् दुत हय्गु जुल । थ्व परम्परा
कथं बिचाः यायेबलय् भौमचायात छेंया अधिकार
कथं दुक्पिकुया ताःचाः समेत लःहाये धुन धयागु
खः ।

ह्वंकाः थाय्भू नके :

काय्मचायात नं भौमचायात नं नापं
फेतुका भौमचायात ग्वय्साय्के बिइ फुकी बाकाये
व छेंया जःपिं सकसितं माजुबाजुपिन्त ल्हाः
ग्वय्, पुतुग्वय् बिइ धुनेवं सकसितं धौसगं खेंय्
सगं बियेधुंकाः मिसाया देपाल्हातिइ स्वस्तिवाक्य
ब्वना निम्हेसिगु छयों पाजुम्हेस्यां ल्वाके बिइगु
परम्परा दु । हाकनं निम्हत्यपूयात नं छपाः
थाय्भूस तयाः सहभोजन नकेबिइ । थ्व थनिनिसें
निम्हं छम्ह जुल धयागु भावना खः ।

सं प्याके :

थुगु क्रिया मिजं नं मिसायात (कलायात)
न्याग्वः सपः हीकेगु क्रिया खः । थुगु क्रिया
दुने म्ह्यय्खापा भटूनतू, चूसापा आदिया
समाज्वलं तया भातं कलायात थौकन्हय्या भाषं
घायेगु खःसा (मेकप यायेगु खः) थुलि धुनेवं
वहःया ज्वलान्हाय्कं सिन्हमू ज्वना थान लखु ।
स्थान गणेश) पूजा याना लिहाँ वया भोजन
यायेमाःगु क्रिया खः । तर थुगु क्रिया बज्राचार्य,
शाक्यपिनि जूसा जज्ञ सालाय् ह्वोकेबलय् यायेगु
क्रिया खः । उदाय्

(तुलाधर) पिनि फुक्कसिया कलश पूजा याना
थुगु क्रिया यानावयाच्चगु दु । मेमेगु जातिइ थ्व
क्रिया सुयान यायेमाःगु खनेमदु ।

निक्षाभः :

थ्व क्रिया वन मेमेगु जातिइ खनेमदु
केवल बज्राचार्य, शाक्य, तुलाधर (उदाय्)
थुलिसिया जक यायेमाःगु परम्परा दु । थ्व क्रिया
यायेबलय् नीछ्याय्गु धकाः माजुया चिपः भौयात
नकेगु क्रिया खः । क्रिया यायेबलय् माजुम्ह
दथुइ कायम्ह जवय् भौम्ह देपाय् तया पंचग्रास
याकाः माजुया चिपः भौयात नकीगु क्रिया
परम्परा खः ।

बंजला वने :

योगिणीपिं थाय् वा थःथःगु आगमय्
लय्सिवाज्वलं पूजा याना काय्मचा भौमचायात
नं द्यःपिन्त किसली छायाका काय्मचां भौमचायात
स्वकःतक सिंचोछाय्के सिन्ह छपता नं तिकेबिइ
अले व सिन्चो छायाकाःगु सिन्हमू (च्वलामू)
भौमचायाततुं लितविइ (लःल्हाये) सिधये व
चिपंथिये या समय नये । थ्व क्रिया अन्य जातिइ
खनेमदुसा गुरुजु, शाक्य, उदाय्, श्रेष्ठ आदिया
जक याना वयाच्चंगु दु । भी नेवाः समाजया
थितिरितिकथं स्वयम्बर याना सिन्चो छायाकेगु
आवश्यक मजू ।

ह्वाःस्वय्गु याये :

थ्व ह्वाःस्वयेगु भौमचापतिया स्याःपिं
थःथितिपिं सकसितं सिसावुसा मोसिपोया हलज्वलं
न्ह्यनेतयाः सकल थःथितिपिसं थःगु गच्छेकथं
धिवा तयाः ह्वाः स्वयेगु ज्या क्वचाकी । थ्व
क्रिया गुम्हसिया व्याहा याना प्यन्हु दय्का ह्वाः
स्वसाः गुम्हेगुम्हेसिया भौमचा इहिपा कुन्हु हे
ह्वाः स्वयेगु परम्परा दु ।

ह्वाःस्वय् बलय् थःबिया छ्वयाम्ह
म्ह्याय्मचा थःथाय् ब्वना हया फेतुके धुनेवं
मरीचरी, फलफुल, वसः आदि म्ह्याय्मचाया
न्ह्योने ब्वये । न्यामरी, ब्यांचामरी, भंगमरी,
नापनापं मेमेगु मरिचरितनं च्याता च्याता तया
व्वयावयाच्चंगु दु । अम्ब, बय्ली, सत्बेसी, तुया

नाप स्याउ, सुन्तला, मेवा, धालय् आदि सिजन अनुसारया फलफूलत न ब्वय्गु याइ । मेवामेस्ताइ, किसमिस आदि थःगु इच्छा अनुसार ब्वयेगु प्रचलन दु । ब्वये धुनेवं म्ह्याय्मचायात मेवामेस्ताइ मरी ब्वयाज्वल निकुनिकु लिकना छःयात छगू भाग, लमियात छगू भाग व म्ह्याय्मचायात छगू भाग बिये । अले बौम्ह, दाजुकिजापिन्स वसः लःल्हाये ब्वयातयागु फुकं लःल्हाय् धुनेवं मेमेपिं सकसिया थःथःगु गच्छेअनुसार वसः, कापः, धेवा आदि लःल्हानाबिये । थुलि ब्वचाय् वं मिजंया खलःपाखें सकसित गुलमरी बिया अय्ला निलु निलु लुया त्वंकेगु चलन दु । गुम्ह गुम्हसिया मोसिप्व छप्वः छप्वः बियाः गाःपिं नं दयाच्वंगु दु । जिलाजं बुचायेके :

ह्वाः स्वय् सिधयेवं जिलाजं काःवना जिलाजंयात छें ब्वना हया जिलाजं नं ग्वय् साय्का ससःखलःया परिवारपिन्त परिचय (म्हसीकेत) छुयलातःगु थ्व परम्परा खः । थुलि सिधय् वं साभिधाब्व तयाः बांलाक भव्य नकूसा गुम्हसिया मे छुयो ग्वः वागः तया छःछाय्का फुकं थय्का, मेगु देय्मा भव्य बांलाक नकेमाःगु परम्परा नं मदुगु मखु अले थुकुन्हु म्ह्याय्मचा जिलाजं नापन्तु छुवया बी । थुकुन्हु हे काय् मचायात ब्वथा बी ।

लिलाज् छुवये :

दुचायेका लिहांवया कन्हय्कुन्हु भौमचायात थःछें छुवये माल । भौमचायात पर्सी, लं, गाः, ब्याग, लाकां आदि छज्वलं पुरा तिका छुवये माल । अनंलि समलि बम्हयात नं पर्सी छत्वाः बियेमाल । अले समिलु लमी भौमचा नापं छुवया बिये । बहनी छेंया परिवारया छम्ह छुवयाः भौमचा काय्के छुवये । गुम्ह गुम्हसियां थये वनेव प्यनु लिपातिनि लिहां वय्गु चलन नं दयाच्वंगु दु । प्यनु लिपा माजुम्ह लमी वना भौमचा सतः वनेमाल । अथे वनेबलय् थ्वं छोय्ला ज्वना वनेमापिं नं दयाच्वंगु दु । थुकथं इहिपाया ज्याइवः ब्वचाइ ।

थ्वहे इवलय् गुगु गुगु जातिया दुने इहिपाः सिधय्का थःम्ह्याय् मचायात पितविइ धुंकाः कोथा विचाःयंका बहनी छेंजःया मिसापिं तापावक वनेगु (मरिकसी) सिसाबुसा आदि ज्वना वनेमाःगु चलन दु । थथेतुं संप्याके धुंकाः देगुपूजा वनेगु गुरुवा (वसुवा) लाकाः थः दुगु छःयाय् वनेगु चलन दुसा गुम्हसियां लिलाधुं चाय्केगु धकाः भौमचायात थःछें छुवय्न्ह्यो थःछें खलःपिसं कुछुवयाहय् माःगु परम्परा नं दयाच्वंगु दु । (राजापाध्यायपिनि) ।

७) भिंबेलि याये :

नेवाः जातिया छुं छुं जातीय दुने भव्य ज्या ब्वचायेकाः कन्हय्कुन्हु भव्य ज्या सपिं दुःखस्यूपिं सकसितं सःताः विशेष पाहाँ यानाः जा नकेगु याइ उकियात हे भिंबेलि यायेगु धकाः धयावयाच्वंगु दु ।

नाता जोरे याय् (समिध स्वाये) :

इहिपाया ज्या फुकक ब्वचाय्धुंकाः नाता जोरे याय्गु धकाः समिध खलःपिं सःता बांलाक भव्य नका छुवय्माल । न्हाय्पा—इहिपा—काय् अवं बिपा बियाछुवय् अर्थात् म्ह्याय्मचा छेंय् सतीय्माइ । थये समिध मस्वाय्कं समिधपिं छेंय् वनेमज्यू धयागु धारणा दय्का वयाच्वंगु दु ।

बिचाः याःवने :

बियाः छुवया बाछि अर्थात् १५ न्हु मफुनीबलय् बिचाः याःवने धकाः तल्ला (वर्खा) नसाज्वलं सिसाबुसा मरीचरी ज्वना मांम्ह व कुमी ज्वना वनेमाःगु चलन दुसा । अथे हे मकः कुके छुवय् धकाः चिकूलां थः म्ह्याय्था थाय् मकः दोलाह गा, लाकां वसः आदि ज्वना मांम्ह वनेमाःगु चलन नं थन दयाच्वंगु दु ।

दीक्षा (देखा) कायेगु :

थ्व तन्त्रचर्या अनुसारं धारणा यानाच्वंपिन्त दीक्षा देखा बीगु व काय्गु परम्परा खः । थ्व फुककं जातिइ दयाच्वंगु मदु । स्थविराभिषेक (थाकुसिं लुयेगु) :

थ्व परम्परा फुकक जाति नं दयाच्वंगु

खने दयाचवंगु दु । देगु पूजा, सीगू, सनागु, त्वाः थाकुलि, बहाबहीया थाकलि जुल धाय् व आसम त्यला विधि अनुसारं पूजा याना थाकुली लुय्माःगु परम्परा थौतक नं दयाचवंगु दु । भिमरथारोहण (ज्याथजिथि जंको) :

ज्याथ जिथि जुइधुकूपिं मां बौपिन्त थः काय् म्ह्यायपिसं थःगु आयुर्धा थपे यायेगु ताः आयुतकं मां बौपिं थ्व संसारय् दया च्वनेमाः धयागु ताःतुना न्ह्यन्ह्यदैय् यायेगु, भिमरथारोहण, चय्न्यादैय् यायेगु देवरथारोहण, गुइगुदैय् यायेगु अर्थात् छगू शताब्दी (सच्चिद्धद) यायेगु महारथारोहण आदि याना मां बौपिन्त देवत्वय् छवया हनेभनं यानावयाचवंगु थौतक नं दया हे च्वंगु दनी ।

५) दिगु पूजा :

दिगु पूजा नेवाः सभ्यताया म्हसीका खः । प्रत्येक नेवाः परिवारया दुने थःथः कवः पुचः दयाच्वनी । उगु समुदायया थःथःहे कुल देवता दयाच्वनी । उगु कुलदेवतायात हे दुगुद्यः धायेगु नं यानावयाचवंगु दु । अले उम्ह चःयाथाय् सपरिवार कवः मुनाः पूजा यायेग हे दिगु पूजा वनेगु खः । विशेष यानाः दिगु चःया मूर्ति दुगु खनेमदु ।

दिगु चः कुलदेवता थःगु कुलयाम्ह चः खः । अथे जुयानिन्ति थःगु कुलयापिं उम्ह चःयाथाय् थ्याइ । अनपिनेयापिं थ्व चःयाथाय् थ्याइमखु ।

थथेतुं काय्मचा बुल धाःसा नं काय्यात जा नके धुन कि दुगु चःयाथाय् दुतियेगु धकाः चःयाथाय् दुतिनाः खलः सरह भाग थ्याकीगु ज्या जुइ । अथे हे भौमचा दुतिये धकाः नं इहिपा यायेधुनेव भौमचायात दिगु चःयाथाय् यंकाः किसली छायेकाः दुतियेगु ज्या जुइ । थनिंनिसें थुगु कुलया दुजः जुल धयागु मान्यता प्राप्त यायेगु खः । अन्तर जातीइ रुप विवाह जूगु खःसा उगु कुलया दुजलय् दुथ्याइ मखु । अर्थात् उगु कुलया मान्यता दइमखु । थ्व भीगु परम्पराया मान्यता खः । भौमचा दुतिनिबले

दुगुद्यःया पिनेम भौमचायात लसकुस यायेमाल । लसकुस यायेवलंय् दुतिम्ह भौमचायात थाकुली नकी न कोतः ज्वने न्वकी नकीनं धौज्वना धौसग विये धनेव सिफ लयेमाल । थली धनेव म्वम्ह नकीन तुफीलुयं न्वका नकी न लःधाः हाय्के थाकुली नकी न ताचाज्वना भौमचायात चः चाहिकी किसली छाना चः भागि याके । अले सिन्ह तिय सिन्छा छाय्के ।

सीधुंकाः यायेगु क्रिया :

थ्वहे इवलय् भीगु मानवजीव अन्त मजुतल्ले भीपिं सुख दुःखया पार्गधइ च्वना थ्व जीवनांचा न्ह्यानाच्वनि । तर भीतः न्ह्याक्व हे दसां सन्तुस्तिता काय्मफूगु मनूतय्गु निम्त वांमलाःगु लिच्वः खः । थुके दुने थःथःगु स्वार्थं जाय्का भौतिकतायात घय्पुयेगु प्रयत्न यानाच्वसा अन्तय् वया आध्यात्मिकता वाहेक मने भरोसा बीगु मदु धयागु वाःचाय्का भी मनूतय्म स्वार्थी वा निस्वार्थी मनयात सिचुका छवयंगु जनन याई तर न्ह्याक्व हे प्रयत्न याःसा छन्हु थ्व अनित्यगु संसारयात त्वःतावनी ।

थ्व संसारय् जन्मजुवक प्राणीपि सिनावेनमाः । सुन म्हाः वा मीमखु धकाः कसय् जूसां च्वनेदैगु थ्व संसार मखु । प्रकृतिया नियम खः । थ्व विधिया विधान खः । विधि विधानया दुने अन्ततः थःगु देहयात न्याग याना प्राणवायु पिहां वनेधुसेलिं दिवगत आन्मायात शान्ति व दुर्गति मोचनया निमित्तय् थःथःगु मस्कार खतं सी उथे याना, कूतले तयाः थःथःगु इलाकाया मशान (दीपय्) शव यात्रा याना दाह संस्कारया निमित्तय् प्यम्ह पासां क्वबुइका काय्पिं बौपिं फुकी वाये सकलें ह्वाय् ह्वाय् ख्वय्का थःपिनि इष्टमित्र जःला खःला आदिपिं ल्यूल्तू तयाः पुरोहितपिं पाखे धारणी ब्वंकाः सनागु खलःपिं सनावया सीगू खलःपिन्सं अन्त्य संस्कार यानाः (दीपय् यायेमाःगु ज्या) भी नेवाः समाजया दुने समानरूपं चलय् याना च्वयाचवंगु दु ।

सीत धाय्बं :

त्वाहाग्नि रक्षा प्राणवायु पिहांवयेधुकल

धयागु अनुभूति जुइव छु ई स्वयाः न वा चूपि
म्हय तयावीमाः गु दु । यदि थथे मतलधाः सा
पिहां वनेधुकुगु प्राणवायु हाकनं लिहां वै धयागु
धारणा दु । थ्व तल धायव ल्याहां वइमखुत
धकाः सीकंगु भीगु जर्नावश्वास दु । च्वय् क्वय्
मतः तयगु नं भीगु चलन दु । माःमाःपिन्त
मन्त धयागु सुचं छुवय्माल । गुथि दुसा गुथि
पाःलाःयात न सूचं छुवये ।

३) सिङ्गु खलः

सिङ्गुगुथि धर्मगुथि आदिया नापं
न्त्यानाच्चगु गुथि खः । थुगु गुथिया मूज्या
धयागु हे अन्तिम संस्कार क्वचायेकेगु खः । थ्व
गुथिया गुथियारपिं वा गुथियारया परिवारपिं सुं
नं मन्त धायेव गुथिपाःलाःयात जानकारी
वियेमाल । गुथि पाःलाः नं गुथियार सकसित
जानकारी विङ्गु याइ । जानकारी दयेधुंकाः सकल
गुथियारपिं उगु मदुथाय् छेंय् भेला जू वइ ।
अले सकलें जानाः माःगु ग्वाहालि यानाः सिङ्गु
उथय् यानाः दिपय् यंकाः सिङ्गु उयाः नौचुङ्काः
ज्या क्वचाय्केगु खः ।

थुकथं छेंजःया सिङ्गु मदुपिनि गोंतय्सं
उइयकेगु धकाः याकेगु परम्परा दयाच्चंगु दु ।
गोंतय्सं ज्यापुतय्गु सी गुथि याइगु खः । गोंतय्सं
बज्राचार्य, शाक्य, उदास, श्रेष्ठ जातियात जक
उथय् याइ अनं मेगु जातिया सिङ्गु उइगु ज्या
याइमखु । सी गुथि धयागु थःथः स्वजातिया दुने
थःथःहे दयाच्चंगु दु । थःहे गुथियार बाहेक
मेपि सिङ्गु उथाय् यायेगु ज्या याइमखु ।

४) सनां गुथि :

सनांगू धयागु नं सिङ्गु छेंय् माःगु
ग्वाहालि यानाः सनाः वनेगु ज्या याःगु खः । सुं
नं गुथियारत मन्त धायेवं कन्हय्कुन्हु बिचाः
वनेगु खः ।

दुखा पिखां तिथे :

भी नेवाःतय् थःथःगु संस्कारकथं अनेक
विधि विधान याना थ्व पार्थिव शरिरयात
पितयंकेत माःगु हारग्वार धुंकाः थ्वहे इवल्य
दुखापिसां तीगु धकाः मी तइम्हेसिनं गोवरं

स्वस्तिच्चकाः उकिङ्गु यःने पुलु लाया उकिया
यःने तुयूकापः लाया उगु पार्थिव शरिरयात
उगु तुयू कापतं भूना कपालय् ह्याउंक सिन्ह
तिकाः जातः नं कपालय् त्वपुङ्का खें न्या व लूं
म्हतिङ्गु तय्का मी तइम्हेसिनं मुलुसुका क्वानसे
इतिइति सुयेके विये अले पुलूभूना देवं फाय्का
थुम्ह सीम्हयात महादीप (मत) दयेका धयागु
भावना खः ।

गुम्ह गुम्हेस्यां थुगु पार्थिव शरिरयात
सुनानं मखंक गुथियारत जक च्वना, उम्ह
सिनावम्ह मनूयात ह्वाःसिका कोलंबुङ्का, चिकं
आदि नं बुकाः समाः याकेगु भावना खतं नं
यानावयाच्चंगु मदुगु मखु । थुलि बाहेक मेगु
फुक्क हे उथें खः ।

छ्वासय् वाये :

दुखापिखा तिङ्गु सिध्यव सिनां वंम्हेसिया
वसः, सुखु छपाः व जनी आदि तयाः मिसापिं
फुकीपिसं छ्वासय् वाकेछुवइ । थुकथं याये
माःगुया हुनिं धैगु मृत्यु जूम्हेसिया रोग आदि
सरे जुया मवय्मा धयागु भावना खः ।

पाखाकु थने :

छ्वास वना लिहां वय्वं पिखालखु सः
पाखाय् कोसं च्वना भाजनय् सप्पा, मो आदिया
मि च्याकाः कुं थने । थुकियात हे पाकु थने
धकाः धयाः वयाच्चंगु दु । थुगु सप्पाया कुं
याना अनेक रोग व्याधिया कीतः उखेथुखे दया
च्वन धाःसा दक्को नाश जुयाः वनी धयागु
भावना खः ।

भुजंयात पाःचा वाके छुवया पार्थिव
शरिरयात पित हया कूतालय् यने तयाः देवं
फाय्का आकाश माः (अकाय्मा) तयाः स्वांकिपू
अविर धेवा होला यमवाद्य (नाय्खिं) यमतुर्य (
काः पुङ्का) जात्रा याना थःगु इलाकाया शम्साने
(दीपस) प्रस्थान याई । थुबलय् गुम्हसियां सिना
वंम्हेसिया म्हेयाय्पिं ग्वम्ह दु व फुक्कसिनं लें
दुछि वा ह्वला ह्वयाः वनेमाःगु चलन नं दु ।
सौ साय्गु :

थ्व सौ साय्गु मां अबुजूसा काय्मचां,

भात जूसा कला नं सौसाय् माःगु भीगु चलन
खः । सौ सायेगु धैगु दुखापिखा तितुथाय्
स्वस्तिच्चगु गोवर निगः धौभिगः तयातइ । छग्वः
पाःचा वाम्ह भूज्यात वीगु वं छ्वास वाययक्मा
छग्व धौभिगः सौ साइम्हेसिया पिखा लखुइ
तछ्याय्माःगु चलन दु ।

पिचा वाये :

पार्थिव शरीरयात पितयके धुनेवं छेय्
छ्वां बंपुना उगु धू फुक्क मुनाः पिचाय् तयाः
बं पुनागु तुफि नं तयाः छ्वासय् वांछवये यके ।
अन्त्यक्रिया (लिको पिण्ड थये) :

दीपय् थ्यंका विधिवत् सिंया छःने तया
म्हक्वव्यूपिं, छवःयावंपिं सकसिन अन्त्यय्
श्रद्धाञ्जलिया रुपय् लः त्वंकाः लिकोपिण्ड थःयत
तुतिक्वय् च्वना लिकोपिण्ड थये । बज्जाचार्य,
शाक्य, तुलाधरपिनि थः गुरुद्वारा वाक्ययाकाः
याकूसां मेमेपिनि गुथियारं हे लिकोथ्यं थय्केगु
चलन दु । थ्व च्वका बजियागु स्वंगः पिण्ड
थई (पन्छिया कुलय् जन्म, पशुया कुलय् जन्म,
प्रेतया कुलय् जन्म मजुइमा धइगु खः) ।
कागपिण्ड, स्वान पिण्ड, प्रेम पिण्ड खः । थुलि
सिधय्बं मि तया अन्त्यय् संस्कार सिदइ ।
मि तये :

लिकोपिण्ड थये धुनेवं न्हापां च्वकावजि
तयाहःगु खालिगु धौ भ्यगः ज्वना पार्थिव
शरीरयात चाहिका पार्थिव शरीरया तुतिक्वय्
तछ्यानालि अपचां, लःधाः हायेका न्ह्यखतं
स्वचाः व अखतं स्वचाः चाहिइका भुपुइके ।
थुलि धुनेवं मिप्वाः ज्वना स्वचाः चाहिला मृत
शरीरया छःने मिप्वाय् तये । मि तये ।

अस्ति काये :

पार्थिव शरीर फुक्क च्याना भष्म जुइ
धुनेवं छ्योयागु अस्तु (क्वय्) ल्हाःनिपा यागु,
तुति निपा यागु, क्वय्, न्यागः पिलाचा (चायागु
थल) तया लिकया छेय् हइ । अले व अस्तियात
अस्ति प्रक्ष्यात्मा यायेगु विधि अनुसारं अस्ति
सिलेगु ज्या याइ । थुगु परम्परा मानन्धरतय् व
चित्रकार, तण्डुकार आदिया यायेमाःगु परम्परा

दु ।

भष्म प्रवाह (नौ चुइके) :

व पार्थिव शरीर फुक्क च्याना भष्म
जुइ व अस्मिकाःमा अस्मिया भाग छनय् याना
चायाः पिलाचाय् तये धुनेव व भष्म फुक्क छ्वास
मुना (दोचिना उकिया मदुम्हेसिया आकृति वयकः
मनू ज्याना हथामखा कौ म्हनू तया पूजा याना
उगु नौ फुक्क पलुइ तया खुमी चुइके छवइ ।
थुलि धुनेव मितःपि व खांया वःपि सकले लिहां
वना वलिपिया छेय् दुहां वने । मितःपि छेयापि
भष्म प्रवाह यायेन मच्चन धाःमा गुथियार्गपमनू
नौ चुइका फुक्क ज्या क्वचाय्का मी मुन धयागु
सूचं छेय् क वनी, मुच विइ ।

चिपंथिकः वयगु :

सी मुन धयागु मुच वयव स्याःपि
म्ह्याय्मस्त, ममाधि खलःपाजु खलः सकसिन
बजि, मरी, ऐला ज्वना चिपंथिकः वइ । इमिम
हःगु फुक्क मदुम्हेसिन भाग तये माल ।

बिचाः फये (बिचाः वये) :

कन्हयकुन्हू म्यः न्हापा थःथिति पामा
भाई, मनागु खलः दर्पान मनागु खलः सकले
बिचाः वइ थः गुरु दुर्गति परिशोधन धारणी
व्वना च्वना सार्यामितय् जूमा बिचाः वयेत थः
गुरुपि व्वनाहया धारणी व्वकेमाःगु चलन दुसा
स्याःपि म्हाचाय्मचापिम न थः गुरु व्वना हय्माःगु
चलन दयाच्चगु दु । गुग् गुग् जातिर्पिन गरुड
पुराण न केकेगु याइ । न्हापा न्हापा जूमा बिचाः
खः ल्हाय्गु न चलन दयाच्चगु दु ।

मन्दः च्वये :

सिना स्वन्हु दुखुन्हु बज्जाचार्य, शाक्य व
उदायतय् दुर्गति परिशोधन मण्डल च्वका
कलाशार्चन पूजा याना अस्ति काःगु दसां अस्ति
प्रक्ष्याल विधि अनुसार पूजाया (अस्ति सिलेगु)
ज्या याई । थ्व क्रिया अन्य जातिइ खनेमदु ।
ब्याहा वये :

थःथितिपिं सकले बजि, धौ, पालु साखः
(चिनी) आदि ज्वना सिना प्यन्हु दुखुन्हु ज्वना
वयेमाःगु प्रचलन दयाच्चगु दु । थ्व सकसिया

उथेहे धाय्माः । तर प्यन्हुनिसे न्हयन्हुमा छन्हु
न्हयोया दुने व्याहा वय्माः । थःथितिपिन्सं सीथाय्
छेँ ग्वहालिया रूपय् वड्गु परम्परा खः । थथेतुं
मरिव्या धकाः मरि फलफूल नं ज्वनावयेगु चलन
दु । थ्व लत्या न्ह्यःतक वयेज्यू ।

त्वचाः फये त्वचा वये :

सिना प्यन्हु दय्वं स्यास्याःपिं थःथिति
खलःपिं बहनी ख्वःया मिसापिं वड् । छेँय् च्वपिं
दुखंकःपिं नं सम्बन्धित थासय् च्वना ख्वःया
च्वनी । ज्यापुतय् जुसा त्वचाःवया खतं हे
व्याहा नं ज्वना वड् । वज्जाचार्यपिनि दुर्गति
परिशोधन मण्डल उला १०८ प्वाः मतं चाह्युका
मन्दः उला तड् । तर थौकन्हय् वया थ्व
त्वचावय्गु लोकाचार धकाः त्वचाःवय्गु
म्वाय्कूपिं नं खनेदु ।

मण्डल पूजा (मन्दः पूजा) :

वज्जाचार्य, शाक्य, उदाय्तय् थाय् न्यान्हु
दुकुन्हु दुर्गति परिशोधन समाधि दना मन्दः पूजा
याड् । थ्व चलन अन्य जातिड् मदु ।

त्वचाः बजि नये :

सिना खुन्हु दुकुन्हु त्वचाःबजि, नय्गु
धकाः म्हाय् मचातय्सं ज्वरे याकाः दुखंकःपिं
फुकीबाकाय् सकलें च्वना न्याता घासा दय्का
नय्गु खः । गुन्ह गुम्हेस्यां म्हाय् मचापिसं
थःथाय् छेँय् ज्वरे याना हया दुमाःपिन्त नकः
वड्गु खः । थुबलय् ला तयाः नयेमज्यू ।

न्हयन्हुमा तये (न्हय्नुया जा विये) :

सिना न्हय्नु दुकुन्हु म्हाय्मस्तसं ज्वरे
याना, फुक्कं न्हय्ता न्हय्ता किसिमया नसात्वसा
ताः लाकाः पिखालखुस न्हय्नुया जा बिड् थ्व
काः वैम्ह जोगी खः । वज्जाचार्य व शाक्य न्हय्नुं
हे न्हय्नुमाजा बी सिधय्का दुव्यंक वना घःसूनं
उकुन्हु हे यायेगु परम्परा दु ।

पाखाजा खाये :

न्हय्नु कुन्हु बहनी लैय् जुइपिं सुं मदय्वं
पाखा जा धकाः पाखां कुने खायेगुयात आकाशय्
जाः तय्नं धाइसा गुम्ह गुम्हेसिया पिखालखुस
तया भिगतं त्वपुया तड् कन्हय् कुन्हु सुथः न्हापां

उला खुसि चुय्के छवयेगु याड् ।

वज्जाचार्य, शाक्य, उदाय्तय् जूसा न्हय्नु
खुन्हु सुथ न्हापां दुर्गति परिशोधन मण्डल विसर्जन
याना वाके छवये धुनेवं छेँ छखां नीसि यानाः
न्हय्नु जा ज्वरे याना सिधय्वं पिखालखुस
न्हय्नुया जा (न्हय्नुमा) तये धुनेवं, दूव्यंकः वना
लिहांवय् व पिखालखुस ग्वास्वां कयाः छेँय् थाहां
वने गृहशुद्ध यज्ञ (घःसू) याये पूजा ज्वी । थःगु
चूडाकर्म यायेगु विहारस नं घःसू पूजा (होम)
याके छवय्माः । पूजा सिधय्वं थः गुरुयात दान
प्रदान याना (फुक्क ज्या क्वचायेका कन्हय् कुन्हु
निमो याना लोकोत्तरपिण्ड थड् । थुकथं दुखंकःगु
लिसेया ज्या क्वचाड् । मेगु जातिया केवल थुकुन्हु
न्हय्नुमा तय्गु व बहनी पाखाजा खायेगु जक
ज्वी । थ्व पाखाजा खायेगुलिनं थःथःगु
परम्पराकथं गुम्हेस्यां मू जिलाजनं खायेमाःसा
गुम्हेस्यां म्हाय्मचां खाय्गु याड् ।

पाःवये/पाः छ्वया हये :

घःसू कुन्हु थःस्याःपिं म्हाय्मस्त व
थःछेँ खलःपिसं पाः छ्वयाहये धकाः ला, भुति,
कःसू, पालु, मुस्या आदि तयाः छ्वयाहये माल ।
गुम्हगुम्हेसियां बुका नं छ्वया हयेगु याना
वयाच्वंगु दु । थ्व परम्परा वज्जाचार्य, शाक्य व
उदाय् समुदाय दुने जक दयाच्वंगु दु ।

दूव्यंके :

वज्जाचार्य, शाक्य बाहेक मेपिं सकसियां
सिनावना भिन्हु दुखुनु दूमाःपिं सकलें खुसी वना
म्बल्हुया सँ खाय् मापिनि सँ खाना पंचगव्य कयाः
वर्खि च्वनेमाःपिसं वर्खि वसतं पुना मीतःम्हं
मार्गशोधन याना पञ्जगव्य लैदुछिं हाहा याना
वया पिखालखुस भपुइका थःगु छेँय् थाहाँ वनी ।
अले सकसियां कौला याना (चिपंथिये) ।
राजोपाध्याय व श्रेष्ठ समुदाय जूसा दूव्यंका लिहाँ
वना उकुन्हु बहनी दीपय् वना जाप्बः खाः
वनेमाल । कन्हेकुन्हु एकादश पिण्ड थयेगु धकाः
कोखं मगायेक (को मदनिबलय्) पिण्ड थय्माल ।
ग्वास्वां कयाः घःसू याये :

भिनिन्हु दुकुन्हु न्हापां ग्वास्वां कयाः घःसू

याइ । थ्व ग्वास्वां काय् बलय् ग्वा, ग्वय्, सिंका जक कासां गाः । तर गुम्ह गुम्हेस्यां सिया कचिगु स्वला नं तयाः याना वयाच्चंगु दु ।

भिंस्वन्हु लत्या :

घःसूया कन्हय् कुन्हु भिंस्वन्हु लत्या याय्गु धकाः फुकी वा काय्पिन्त फुकय् याना बीगु निम्ति याना वयाच्चंगु क्रिया खः । श्रद्धा याना बी गुम्ह गुम्हेस्यां थ्व भिंस्वन्हु लत्या अनिवार्य नं जुयाच्चंगु दु ।

लय्प्यं थये :

मदुम्हय्सिया नामं लय्लय् श्राद्ध यायेगु परम्परा नं दु । छुं जुया श्राद्ध मयासा लय्बीगु धकाः ब्वतया जोगीयात बीगु परम्परा दुसा थःपुरोहितयात निसला सिरा आदि दान यायेगु परम्परा दु । हाकनं राजोपाध्याय छथरी श्रेष्ठ समुदाय दुने थुगु परम्परा खनेदयाच्चंगु मदु । अप्वसिया लत्या याना कन्हय् कुन्हुनिसें तिनि लय्प्यं थयेमाःगु नियम चिनातःगु दु । लत्यायां कन्हय् कुन्हु तीर्थय् बना द्वादश तीर्थ (भिनिगु तीर्थ) वंसा गुम्ह गुम्हेस्यां छगू जक तीर्थय् नं श्राद्ध यायेगु चलन मदुगु मखु ।

लत्या याये :

येया वज्राचार्य, शाक्य बाहेक स्विनिगःया फुकक जातिइ परम्पराय् यायेमाःगु क्रिया खः । थुकुन्हु थः पुरोहितं माःगु पूजा याकाः लौकिक लोकोत्तर पिण्ड थइगु खः । ज्यापु, चित्रकारपिंथाय् लोकोत्तर पिण्ड (जाप्यं) थःसा अन्य जातिपिंथाय् पोप्यं थयेगु खः । थुकुन्हु थः पुरोहितयात गच्छे अनुसारं दानप्रदान नं याइ ।

थुगु परम्परा अनुसारं समानुत्तर पिण्ड, समापिण्ड, सःपिण्ड व लीनपिण्ड आदि थय्गु नं याना वयाच्चंगु दु ।

पेशिक ब्वने :

मांबौ मदय्धुंकाः भिंस्वन्हु क्वचाय् धुनेवं पेशिक ब्वने धकाः उम्ह परिवारया पाजुपिन्सं वा निनिपिन्सं सःता बांलाक भव्य नकेगु याइ । थुलि धुनेवं पिनेवना नय्गु त्वनेगु यात फुके याय्गु खः अर्थात् पिनेवना नय्त्वेने जिकेगु खः ।

स्वाला याये :

थ्व क्रिया येया वज्राचार्य व शाक्यपिनि याइगु क्रिया खः । थुमि लत्या यायेम्वाः । वज्रयानी परम्परा खतं पूजा याना चचा हाला लोकोत्तर पिण्ड (जाप्यं) थयाः यायेगु क्रिया खः । खुला याये :

थ्व क्रिया फुकक जाति यायेमाःगु क्रिया खः । थुगु क्रिया लत्याबलय् येतुं यायेगु क्रिया खः । थुवले विशेषत पुरोहितयात बहया द्वांगा व गा दान याइगु परम्परा नं दु ।

लय्प्यं थये धुंके :

लय्लय् पतिक श्राद्ध यात धाःसा भिंनिलाया श्राद्धया तीर्थ कुन्हु लय्प्यं थये धुंके माल । अवले सहश्राद्धांत होम याना षोडश पिण्ड थयेमाल ।

दकिला याये :

थ्व क्रिया लत्या खुलाये तं यायेगु खः । थुकुन्हु बर्खि फुकय् यायेमाःपिसं फुकय् यायेगु व चिकं, दुरु, धौ, ग्वाः, ग्वय् आदि नं फुकय् याये । अनलि सगं काये भव्य नये ।

निर्दया तिथी :

थ्व खुला, दकिला वलेयेतु पूजा याना पिण्ड थयेगु क्रिया खः । थुकी विशेषरूप दानप्रदान याना च्वनेम्वाः । थुकथ निर्दया तिथी क्वचाय् व सोन्ह श्राद्ध, ना काय् फुकको पिण्ड थः थाये वा दुथ्यावना धयागु परम्परा दयाच्चंगु दु ।

भिंपूजा याये :

मेमेगु जातियापिनि यायेमाःगु मखु, वज्राचार्य शाक्यपिनि जक दकिला कुन्हु बर्खि फुकय् मयासे कन्हय्कुन्हु लय्सिवाज्वलं पूजा याना बर्खि फुकय् याये । दुरु, धौ, ग्वाःग्वय्, चिकं आदि नं फुकेय् याये ।

पाहाँ ब्वने :

मदुम्हया नामं लत्या, खुला व दकिलाया दुने विशेष यानाः सीबलय् ग्वाहालियाःपिं, बिचाःवःपिं, ब्याःवःपिंया नापनापं थःथिति फुकिबाकाय् हातानाताकुता व ईष्टमित्र सकसितं ब्वनेगु खः । थ्वयात हे पाहाँ ब्वनेगु धकाः

धयावयाच्वंगु दु । थुगु परम्परा गुम्हेसियां
भिस्वन्हुकुन्हु हे ब्वनीपि न दयाच्वंगु दु ।

प्यनय् छाःबये (पिण्डु छाःबये) :

लत्या, खुला, दकिला तिथि आदिया श्राद्ध
यायेबलय् प्यनय् छाःबये धकाः थःमृत्याय् मस्त
थःछे खलःपिसं धौ छग्वः, जाकि, सिन्ह, स्वां,
धुं, धुपाय् आदि तयाः बयेगु खः । थौकन्हय्
वयाः मन्हि, फलफुल आदि नं हयेगु चलन
दयाच्वंगु दु । थ्वयात गुम्हेसिया प्यंकी तःबयेगु
धकाः नं धायेगु याना वयाच्वंगु दु ।

युकथं दिवंगतया नामं श्रद्धाञ्जलि देछायेगु
समवेदना बियेगु, बिचाः हायेकेगु आदिया नापनापं
दछिया दुने यक्व यक्व ज्याखं याना वयाच्वनी ।
गुक्रिया हुनिं खः, मदुम्ह याकनं तरे जुयाः सुखावति
भुवनय् वास लायेमा, वैकुण्ठ वास लायेमा, मोक्षफल
प्राप्त जुइमा, निर्वाण प्राप्त जुइमा, महायानी
परम्परा कथं दुर्गति मोचन जुयाः सुगति प्राप्त
याना हाकनं थःगु हे कुलय् जन्म जूवयेमा धयागु
आसिक्र यानाः आपालं मेमेगु कामना यानाः अनेक
धर्मकार्य यानाः पुण्य संचय यानाः दिवंगत जूम्हप्रति
प्रणिधान यायेगु भीगु संस्कार संस्कृतिया मूलक्ष्य
खः ।

संस्कृति संस्कारया दुने जन्म जूसानिसे
दिवंगत जुइधुकाः तकं यायेमाःगु क्रियाक्रम च्वय्वने
धुंकूगु दु । थथेतुं यानाः सीधुम्ह मदये धुंकूम्हया
नामं हनेमाःगु भीगु नखः चखः नं दयाच्वंगु दु ।
गुगु पक्ष थःथःगु जातीय आधारकथं नखः चखःयात
ताःलाका न्ह्याका वयाच्वंगु दु । गुगु दच्छिया
दुनेया नखःचखः मध्ये दिवंगत जुयावपिनिगु नामं
यायेगु ज्याखंयात थन न्ह्यब्वयेगु कुतः याना च्वना ।
उपाकू बने :

भाद्र शुक्लया द्वादशीकुन्हु सन्ध्याकाइलय्
बौद्धस्तोत्र (नामसंगीति) पाठ यानाः पाल्चा तयाः
धुं धुपाय् च्याकाः थनेया थंहिति, कोनेया ब्वहिति,
तक चाःहिका दिवंगत जुया वंम्ह तरे जुयेमा
धयागु आसिक्र यानाः हनावयाच्वंगु दु । थुकिइ
वज्राचार्य, शाक्य व उदायत्तय् थाय् जक गुरुजुपिन्त
तुतः ब्वंका यंकेगु चलन नं दयाच्वंगु दु । मेमेगु

जातियापिनि पाल्चा तयाः धुं च्याकाः जक
चाःह्यसां गाः । ज्यापु व सायमितय् दापा थाना
चाः हिलेगु नं याना वयाच्वंगु दु । थथेतुं भाद्र
शुक्ल चतुर्दशीकुन्हु थथे हे तुतः ब्वनाः पाल्चा
तयाः मस्तयत् भःभः धायेक बसत पुंका कुमारी
चाःहिक्वः चाहिलेगु याइपिं नं दयाच्वंगु दु ।

दागिं बने :

भाद्र शुक्ल चतुर्दशी कुन्हु कुमारी खः
साले ब्वचायेवं दागिं बने धकाः दिवंगतया नामं
बिबः ह्वलाः दागिया नापनापं चाहिलेगु परम्परा
नं दयाच्वंगु दु । गुगु भुतिसतलं पिर्हा वयाः
कुमारी चाःहिक्व चाःहिला भुतिसतलंतुं
ब्वचायेकेगु खः । थुलि धुनेवं बौमत स्वयाः
यंकी दह इन्द्र दहलय् म्वःलुवनेगु प्रचलन नं
दयाच्वंगु दु ।

न्यकू पुइकः बने :

गुंला लाया दुने स्वयम्भू महाचैत्यय् वनाः
न्यकू पुइकः वनेगु परम्परा नं दयाच्वंगु दु । थुगु
परम्पराया दुने निसलाः, केभू, दक्षिणा आदि तयाः
हारति अजिमाया न्ह्यनेच्वंगु सतलय् न्यकूवाज्यात
पुजा यानाः न्येकू पुइकेगु परम्परा दु । थुकिइ
विशेष यानाः बौद्धतय्सं जक ब्वति काइगु खः ।
सायाः छ्वये :

वज्राचार्य, शाक्य, उदाय, सायमि व
चित्रकारतय् सायाः छ्वयेम्वाःगु खनेदु । मेगु फुक्क
जातियापिन्सं सायाः छ्वयेमाःगु परम्परा दु । मनूयात
साया किपाः दूगु पिरिचां पुयेकाः सायारूप बियाः
गुम्हेसित जोगी यानाः नापं सायात छ्वयेगु याना
वयाच्वंगु दु । नापं स्वारि, मार्पा, फलफुल आदि
दान यानाः दुरु, साखति आदि नं सायाः वःपिन्तं
त्वंका दान प्रदान यायेगु परम्परा दयाच्वंगु दु ।

बालाउ बने :

मंसीर कृष्णया चतुर्दशी कुन्हु थःमदुपिं
दिवंगतपिनिगु नामं पशुपति मृगस्थली गुता बीबः
ह्वलाः दिवंगत जुयावपिं मभिगु कुलय् मलासे
भिगु कुलय् जन्म जुयेमा धयागु आसिका यानाः
चाःहिलेगु परम्परा दयाच्वंगु दु ।

मतः च्याकः बने :

मदुम्हेसिया नामं थीथी द्यःपिंथाय वना देवा च्याकः वनेगु परम्परा नं दयाच्वंगु दु । थुगु मदुम्हेसिया भिस्वन्हुया क्रिया क्वचाया कन्हय, कंसं खुन्हुनिसें मत च्याकः वने धकाः सच्छि व च्याप्वाः देवा च्याका निसलाः, कंभू तथा द्यःद्यःपिन्त छाया वयेगु परम्परा दयाच्वंगु दु । थुगु परम्परा दुने गुम्हेसिया थःगु कुल देवताया थासंनिसें च्याकेगु याःसा गुम्हेसिया जनबाहाःद्यःया थासंनिसें च्याकेगु यानावयाच्वंगु दु ।

थथेतुं याना स्वयम्भू थाहां वने सातं स्वम्ह भगवानया क्वसं दथुस यमद्वार धकाः धयागु याना वयाच्वंगु दु । अन नं मत च्याकाः स्वयम्भू महाचैत्य अमिताभ तथागतया न्ह्यःने नं मत च्याकेगु याना वयाच्वंगु दु । अथेतुं नमोबुद्ध, प्यम्ह करुणामय, (जनबाहाःद्यः, च्वभाःद्यः, नाला करुणामय द्यः व बुंगःद्यः) खास्तीया बौद्धनाथ, गुहेश्वरी, ययाःवलय इन्द्रायणी आदि थःथःगु आस्था, श्रद्धा कथं मत च्याकः वनेगु परम्परा दयाच्वंगु दु ।

थुलि दिवंगत जुया वनाः दच्छिया दुने हनेमाःगु संस्कार संस्कृति खः ।

गोकर्ण औसी (बौया ख्वाः स्वये) :

भाद्र कृष्णया औसी कुन्हु थः मदयेधुकूम्ह बौया लुमन्तिइ बौया नामं गोकर्ण तिर्थय वनाः स्नान यानाः पिण्ड दान यायेगु, निसलाः, सिरा दान प्रदान याना वयाच्वंगु दु । अथेतुं सुचि नियम याना यथा श्रद्धां गुरुपिन्त मदुम्ह बौया नामं सिरा निसलाः दान यायेगु खः ।

मातृ औसी (मांया ख्वाः स्वये) :

मातामह तिर्थ मातातिर्थय वैशाख कृष्णया औसी कुन्हु मदुम्ह मांया नामं पिण्डदान याना सिरा निसलाः आदि दान प्रदान यायेगु खः ।

सोन्ह श्राद्ध (पितृपक्ष) :

सोन्ह श्राद्ध दिवंगत जुयावनेधुकूपिनिगु नामं यायेगु क्रिया खः धाःसां अप्वः जुइ मताया । आश्विन कृष्णया प्रतिपदानिसें आश्विन कृष्णया औसी यायेगु क्रिया खः । थुकिया दुने थः मदयेधुकूपिनिगु नामं श्राद्ध यायेगु, निसलाः वियेगु,

दान प्रदान यानाः लुमकेगु खः । गगु श्राद्ध याइवलय थः मा, बौ, बाज्यापिनिगु नाम जक मखु म्हासिक्व तामिक्वयात लुमकाः याइगु पिण्ड दान खः । थ्वयान हे नाकायें फक्व थयेगु शोर श्राद्ध यायेगु धकाः धयावयाच्वंगु दु । थुगु श्राद्ध यायेवलय दिवंगत जुयाः निदया तिथि क्वमचायेकं शोर श्राद्धय पिण्ड दान यायेवलय पिण्ड दुथ्याइ मखु । थ्व भीगु परम्परा दयाच्वंगु दु ।

क्वचाः खैं (उपसंहार) :

थुकथं जन्म जसानिसें सीधुकाः तक्क मानवीय धर्म कथ दिवंगत जुयावनेधुमिया नामय आपालं धर्म कर्म यायेगु कथ थीथी मस्कार मस्कर्ति हनावयाच्वंगु दु । भीस हनावयाच्वनागु संस्कार संस्कृति पार्याछि जू मजू । थौकन्हय परिपेक्षय उक्तय याये हे माः वा मयासां ज्यू ! याना या अर्थ छु ? मयाःमा छु जुइ ? आदि न्ह्यसःया लिसः प्रत्येक मस्कार संस्कृतिप्रमयात विइफयेकेमाःगु आवश्यकता जुइधुकूगु दु । वजाःभाः थिके जुयाः वनाच्वंगु दु । उलि हे हानं भ्वामि पहः नं खने दयावयाच्वंगु दु । नःजि जुया वयाच्वंगु दु । छें वुं मिया न थीथी मस्कार मस्कर्ति यायेमाःगु वाध्यता जुयाच्वंगु दु । अथे जूगुया निर्मित थःगु औकात क्यनेफूगुयात जक कःघानाः मस्कार मस्कर्ति न्ह्याका वनेमाःगु महसूस यानाच्वन । थःथःगु जाति विशेषता गर्थि, मघ मगठनपाखे थुलि जक याःसां गाः थुलि अप्वः यायेम्वाः धइगु कथ वन्देज यायेमाःगु महसूस याना । हान नेवाः समुदाय दुने थीथी जाति विशेषया थःथःगु हे विस्क पहःया परम्परा दयाच्वंगु दु । छगू जातिया मस्कार छगू हे कथंया मस्कार संस्कृति हनेगु परम्परा जुइमाल धइगु माग नं थौकन्हय जुयावयाच्वंगु दु । अथे जूगुया नितिं भीगु संस्कार संस्कृति सदां म्वाकातयेगु धइगु खःसा धर्म, जाति नाप व्यागलं च्वना मखु । बांलाःगु संस्कार संस्कृतियात कूमख्यूसें थः नालाक्याः बांमलाःगुयात हाकुतिनाः नेवाः मात्रया छगू हे संस्कार संस्कृति जुयाः नेवाः सकलें छप्प व छधी जुइफयेमाः धइगु आसिका यानाच्वना ।

(थुगु लेख पं. रत्नकाजी बज्राचार्यजुं २०५३

सालपाखे च्वयादीगु खः ।)

बौद्ध छ्यःया हनेबहःम्ह पं. रत्नकाजी बज्जाचार्यजुं नेपाःया बौद्ध संस्कृति सम्बन्धी आपालं सफूत च्वया पिथना दीधुकूगु दु । अन्वेषक, च्वमि, सम्पादक एवं बौद्ध विद्वान भाजु बज्जाचार्यजुं च्वयाः आःतक पिदनेधुकूगु सफूया धलः थुकथं दु ।

क्र.सं.	सफूया नां	पिथंगु तिथि	पौ ल्याः
१.	नेपाल जन-जीवन क्रियापद्धति	ने.सं. १०८३ श्रीपञ्चमी	१-३८
२.	यें देया बौद्ध पूजाक्रियाया हलंज्वलं	ने.सं. ११०० गुंलागा त्रयोदशी	१-१३७
३.	भीगु संस्कृतिया ब्व-घासा	ने.सं. ११०२ दिल्लाथ्व गुरुपुन्ही	१-५५
४.	नेपाः देया बिहारया ताःचा	ने.सं. ११०३ थिलाथ्व होलिपुन्ही	१-११६
५.	धीमति अवदान	ने.सं. ११०५ थिलागा तृतीया	१-४७
६.	म्ये पुचः	ने.सं. ११०५ थिलागा तृतीया	१-२२
७.	Buddhist Ritual Dance	ई.सं. १९८६ बछलाथ्व स्वांयापुन्ही	१-६१
८.	विमलावति अवदान	ने.सं. ११०८ पोहेलागाः तृतीया	१-५२
९.	कलशार्चन पूजाविधि	ने.सं. ११०८ कौलाथ्व अष्टमी	१-१४१
१०.	नेवाः संस्कार संस्कृतिया ताःचा	ने.सं. ११०९ दिल्लापुन्ही	१-१८०
११.	बलिपूजाया यथार्थता	ने.सं. १११३ स्वांयापुन्ही	१-५९
१२.	कलशार्चन पूजाविधि (परिमार्जित संस्करण)	ने.सं. ११०९ ज्यापुन्ही	१-१६२
१३.	अमोघपास लोकेश्वरया संक्षिप्त बुबें	ने.सं. १११४ फागुण शुक्ल अष्टमी	१-३३
१४.	मोक्षगां उत्पतिया बाखं	ने.सं. १११५ भाद्र शुक्ल सप्तमी	१-३६
१५.	चचा-मुना न्हापांगु ब्व	ने.सं. १११६ आषाढ कृष्ण द्वितीया	१-२२२
१६.	निपू अवदान	ने.सं. १११६ येंयाःपुन्ही	१-५४
१७.	मङ्गलाष्टव	ने.सं. १११८ स्वांयापुन्ही	१-१६
१८.	गुंला धर्म	ने.सं. १११९ ल्हुतिपुन्ही	१-४७
१९.	चचा-मुना निगूगु ब्व	ने.सं. १११९ ज्याःपुन्ही	१-२५९
२०.	यें देया चैत्यया विवरणात्मक अध्ययन	ने.सं. १११९	१-५२८
२१.	सप्तविधानुत्तर पूजाविधि	ने.सं. ११२० भाद्रकृष्ण त्रयोदशी	१-१४२

क्र.सं. १ या सफू बढीरत्न व रत्नकाजी क्र.सं. ४ या सफू रत्नकाजी व विजयरत्न बज्जाचार्य जाना तयार यानादीगु छः ।

सफूया लागि स्वापू : सर्वज्ञरत्न बज्जाचार्य, दल्लु, च्वय्बुं, फोन नं ४२७६७७३
नातिवज्ज बज्जाचार्य, सफूधुकू, असं, सुगतरत्न सिन्दुराकार, यट्खा त्वाः, फोन : ४२६६४३५

कम्प्युटर सेटिङ्ग : स्टार कम्प्युटर सर्भिस, ओमबहाः, फोन ४-२६०२१७

थाकू : स्थापित अफसेट प्रेस, फोन : ४-२८७५७७

पिथंगु तिथि : ने.सं ११२४ दिल्लाथ्व पुन्ही (२०६१ साल असार १८ गते गुरुपुन्ही)